

344 84/P

(P)

DISSERTATIO MEDICA
INAUGURALIS
DE

Sanguine Humano, ejusque Missionis
Ufu ac Abusu.

QUAM,
ANNUENTE SUMMO NUMINE
Ex Auctoritate Reverendi admodum Viri,
GULIELMI ROBERTSON, S. S. T. P.
ACADEMIÆ EDINBURGENÆ PRÆFECTI,

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ Decreto,
PRO GRADU DOCTORIS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

JOANNES HUGGAN,
BRITANNUS.

Ad diem 12 Junii, hora locoque solitis.

Ὁκόσοισι συμφέρει αἷμα ἀφαιρεῖσθαι ἀπὸ τῶν φλεβῶν, τέτρες
καὶ φλεβοτομεῖσθαι. Hipp. Aph. 53. § vii.

EDINBURGI:
Apud BALFOUR, AULD, et SMELLIE
Academiae Typographos.
M, DCC, LXXI.

316873



Principi Serenissimo, Potentissimo,

H E N R I C O

DUCI DE BUCCLEUGH,

COMITIDE DONCASTER, &c. &c.

Ex Ordine Cardui Equiti praelustri,

Libertatis Britannicae vindici integerrimo;

Ob beneficia assidua ab Eo,

Nec non

Ab Atavis ejus Nobilissimis,

In sese suosque Majores, veteranos eorundem colonos,

Per seculorum aliquot decursum,

Generose collata;

Hasce studiorum rebus in medicis primitias,

Quantulaecunque fuerint,

Animi haud ingrati

Monumentum parvulum, humillime dicatas esse voluit

J O A N N E S H U G G A N.

Digitized by the Internet Archive
in 2018 with funding from
Wellcome Library

P R O O E M I U M.

ANTE tres abhinc aut circiter annos, BENJAMINUS RUSH, M. D. Chemiæ in Academia Philadelphiæ Professor, olim condiscipulus mihi carissimus, me, si aliquando summos in medicina honores ambirem, uti dissertatiunculam De Sanguinis Missione Inauguralem conscribendam susciperem, si rite reminiscor, primus hortatus est. Argumentum utilitatis summae quam gravissimum esset, minime ignarus, et mecum reputans, quot et quanta auxilia a Nosocomii Regii usu practico, qui nobis ob oculos quotidie obverbatur, repeti possent, ex illo tempore, ad ea paulatim comparanda, quae luminis aliquod illi offunderent, animum serio appellere coepi. Quo vero penitus rem explorare conatus sum, eo magis tenebris involuta difficilisque videbatur. Opiniones enim tot tantaeque, et inter sese tam longe diversae, hacce de re, inter medicos etiam illustriores, ab omnibus aevis invaluerunt, adhucque valent, uti cuinam opinioni potissimum subscriberem, judicatu admodum difficile foret. Ratiocinatio igitur, quae thesin subsequenter concinnavit, non tam a scriptorum antiquiorum recentiorumve sententiis, utut eorum fama insignis inclaruerit, quam ex hisce doctrinis, quibus juventutis studiosa cohors in academia nostra celeberrima quotidie imbuitur, deducta est; quas doctrinas experientia magistra veritati naturaeque, fundamini certo immobilique inniti, clarissime demonstravit.

IN regione rerum adeo copiosa perlustranda, periculi multum aderit, ne ratiocinandi fomes, intra spatium tam angustum concludendus, ultra limites dissertationis hujusmodi consuetos evagaretur. Quas ob rationes, argumentum in genere solummodo pertractatur: Quam plurima ex proposito omittuntur; praesertim ea quae cognitioni cujuslibet aperte patefcere reputantur; nec minus articuli quivis in controversiam revocati, qui lucidius illustrari recusant; vel, si propalam omnibus innotescerent, ad utilitatem nullam omnino, me judice, tenderent. Dissertatio haecce inauguralis quantum deficiat probe conficius; candorem tamen opusculis hujuscemodi juvenilibus ubique concessum spero atque exoptulo, quae ex obsequio magis in jura academiae hujus illustrissimae constituta proveniunt, quam ex ambitione quavis uti conamina nostra, quaecunque fuerint, ingemiscentibus praelis, in propatulo projiciamus.

RESTAT autem hic loci solummodo, uti gratias eis agam, quorum auxilio praesentissimo, in studiis nostris hucusque prosequendis, multum adjutus fuerim.

INTER eos, haud fieri potuit, quin imprimis JACOBUM JOHNSTON de Westerhall, Baronetum illustrissimum, animo gratissimo recorder, virum dotibus egregiis ab omni parte beatum; cujus progenies generosa et fortunata virtutibus eximiis sese longe notissimos reddiderunt. Salveto, senior venerande! Generi humano diu interfis, familiae honorandae caput atque princeps!

cujus

cujus benevolentiam immeritam in me diuturnius exercitatum nulla dies ex animo beneficiorum memori tenacique unquam delebit.

COMMEMORANDUS proxime devenit JOANNES MAXWELL de Broomholm, armiger inclytissimus, qui, five literarum humaniorum peritiam singularem, five perceptionis sagacis elegantiam mirandam, five judicii solidi vigorem maturum, spectes, vix ulli mortaliū secundus habebitur. Hic vir etenim amicitiam revera paternam erga me nunquam non exercuit, et munera fere innumera in me conferenda curavit; quae, proh dolor! vereor equidem, ne usquam terrarum retulisse potuerim; spondeo vero, nullum tempus adfuturum quo ex animo talia delabentur.

QUINETIAM Curatoribus Nosocomii Regii Edinburgeni honorificis gratias ex animo referam necesse erit, ex quorum benevolentia summa munus illud promanavit, in quo obeundo propemodum per quadriennium usque versatus fui, quodque nobis quamplurima, in morbis debellandis, perquam opportuna, medicis et chirurgis ducibus optimis et praestantissimis, addiscendi occasionem subministravit.

PORRO, viro illi munifico ac ingenioso, JOANNI WASDALL, M. D. qui, dum rem chirurgicam apud Carleolum exerceret, me contubernio non solum suo dignatus est, sed etiam animo nostro in Artis Apollinaris praeceptis ulterius excolendo quam plurimum laboris in sese suscepti perlubenter impendit.

PRÆ omnibus autem aliis, Professoribus hujus Academiae florentissimae eruditissimis; quorum praelectionibus utilissimis, per quinquennium continuum usque, laetus interfui; praecipue Cl. GREGORIO, qui me muneribus suis accumulatim ornavit; cujusque vestigiis, in morbis curandis, potissimum insistere multum aveo: Nec minus D. HOPE, YOUNG, et CULLEN, viris egregiis, et omni honore dignissimis, ex quorum usu practico emolumentum summum percepimus.

FAUTORIBUS quoque merito accensendi, viri spectabiles, JOANNES RUTHERFORD, COLINUS DRUMMOND, et ADAMUS AUSTIN, medici artis suae peritia longe celeberrimi; quorum in me benevolentiae documenta quam plurima prostant.

DENIQUE, JACOBUM RAE et THOMAM WILLIAMSON, Chirurgos Edinenfes expertissimos, hic loci minime silentio praetereamus oportebit; qui tum scientiam rei chirurgicae mecum lubentissime communicarunt, cum etiam semetipsos erga me quam amicissimos ubique praeftarunt.

QUAM plurimi etiamnum restant, quorum beneficia multifaria in me collata dinumerare perlongum esset; at memoria perennis, consuetudinis et amicitiae familiaris, donec occasio opportunior sese offerat, in alto pectore recondita latefcet.

DIS-

DISSERTATIO MEDICA

DE

SANGUINE HUMANO, EJUSQUE MISSIONIS USU ET ABUSU.

MORIS fuit apud antiquos omnium aetatum rerum naturalium sagaciores artium utiliorum scientiam intimam, in quibus majores progressus sese facturos esse sperarunt, quam maxime excolere, potius quam in acquisitione notitiae vaga et supervacua, qua rarius occasio daretur uti postea uterentur, operam perdere. Tales mores apud medicum ubique praestantissimum praesertim obtinere oportet; qui studiis eisdem animum suum certissime incumbere debet, quae morbos eos praecipue spectant, qui in perniciem funestam frequentissime tendunt; nec minus ad rationes optimas sese applicare per quas eis obviam occurratur; neque circa res investigatu difficiliores, et ultra vires ingenii humani longe positas, cerebrum suum divexare, aut imaginibus sese vanis et erraticis deceptum oblectare, et theoriae ac hy-

B

pothe.

potheseos ambagibus et labyrinthis omnino fallacibus et perobscuris involvere, quae, quantumvis ingeniosa, nullum prorsus in toto artis medicae circuitu fundamentum proficuum sibi constravit, in usus nullos profuit, et rationi sanae solidaeque prorsus adhuc inexplicabilis extitit.

INTER rationes multifarias quae, duce natura, in salutis corporeae recuperationem opipare comparantur, nulla evidentius sese profert, et qua saepius utimur, quam massae sanguinae diminutio et exantlatio, quae, propterea, multo majorem quam ei vulgo impenditur attentionem meretur. Namque quodnam, quaesumus, momenti majoris in morborum sanationem salutisque conservationem esse potuerit, quam fluidi hujusce vitalis quantitas indolesque proportionem rata probe constituta? quod fluidum, praecipuum vitae praesidium, atque adeo humorum omnium quorumvis Fons et Origo, non immerito nuncupatur. Ast, proh dolor! quoties id ab istis, qui artem phlebotomicam in omnibus morbis indiscriminatim exercuerunt, inauspicato processu profusius exantlatum cernimus! dum interea doloris causa ex sanguinis inopia quam abundantia potius exuberavit.

Quo vero tandem operationis hujus usus et abusus ostendatur, et systematis sanguiferi momentum summum investigetur, dissertatio subsequens instituitur; in qua prosequenda, uti ordine ac ratione procedat oratio nostra, in capita sequentia distribuetur; quorum singula per sese seorsum discutientur.

I. OBSERVATIONES de sanguinis indole, natura, ac usu in systemate humano, quasdam praemittere nobiscum decrevimus.

II. EFFECTUS generaliores ex sanguinis missione qualibet in systema humanum sedulo perpendemus.

III. Ex effectibus rite perpenſis, indicationes idoneas, quae sanguinis missionem expostulant, indigitabimus.

IV. INDICATIONES adversarias in medium proferemus.

V. CAUTELAS in sanguine mittendo necessarias adhibebimus.

VI RATIONES tandem diversas, quibus opportune sanguis emittatur, explorabimus.

VII. DENIQUE, sanguinis mittendi usus ac abusus in morbis sanandis examini subijciemus.

C A P U T I.

De Sanguine.

ARGUMENTI amplissimi in tot et tanta capita dispersi discriminatio, primo intuitu, quibusdam fortasse, in tentamine hujusmodi, nimis longe lateque patere videatur; atque profecto rem ita sese habere confitemur. Quocirca res circumstantes, unicuique necessario obvias, consilio deliberato praetergrediemur; et articulis minus determinatis, cognituque magis utilibus, diutius immorabimur.

morabimur. Hicce vero vix opus est nostrum uti hujus fluidi primordium indagine perscrutemur; dixisse sufficiat, Herveium * et Malpighium † idem in pullis gallinaceis aequè maturum, quinetiam interdum ante punctum faliens, observasse. Siquidem igitur altercationem aut controversiam subeamus, an revera systema nervosum aut sanguiferum prius extiterit, in nostrum propositum parum valeret.

NAMQUE, si corporis humani constructionem serio contuemur, functiones multiformes, quamvis natura diversas, eidem insitas, vitaeque inseparatim connexas, et inter sese mutuo dependentes, inveniemus, uti quænam præeat, quænam vero subsequatur, dijudicare perdifficillimum foret. Utcunque tamen, si studia nostra in harum quamlibet sigillatim investigandam applicarem, in promptu esset uti in systematis sanguiferi gratiam, prout momento gravissimam, sententiam liquido pronunciarem; non solummodo quoniam haustus ex eo vitalis, calor animalis, nutritus, secretiones omniformes, et caetera, pendeant; sed etiam quoniam magis intra notos investigationis nostræ limites opportune collocatur; et quoniam, ob rationes multiplices, hocce quasi retinaculo satis commodo, quo functiones caeteras ex arbitrio regamus et moderemur, uti valemus. Quas ob rationes ex jure sanguis metaphorice Primum Mobile, aut constitutionis humanæ Gubernaculum, merito nuncupatur; quippe qui singulas corporis partes vigore suo recreat,

* Dissertatio xvii.

† Epist., de ovo incubato.

recreat, nutrimenti scaturiginem suppeditat, et humoribus omnibus aliis fomitem consernit; quinetiam confuetus sanguinis circuitus expositulatum caloris gradum sustinet, atque nervos singulos ejusdem flumina concomitantur, et, motu sistente, totum corpus putrela corripitur, et mens elapsa, nunquam reditura, muneribus suis in cadavere furdo crassoque non amplius perfungitur.

HERVEIUS ille immortalis, sanguinem non modo eandem atque facultatem vegetabilem, verum etiam animae rationalis sedem esse, excogitavit.* Quin et philosophi complures in hanc sententiam perlubenter abierunt; et eodem consilio ex scripturis sacrosanctis hocce propositum vindicatum esse videatur. Quoniam vero ad consilium nostrum vix attineat, satis habeamus, siquidem eum esse momento talem in systemate corporeo, qualis attentionem sedulam depostulet; et observata quaevis eodem pertinentia theoriam praxinque medicam opulenter locupletare demonstraverimus. Namque experientia compertum habetur, quod, sanguinis massam intuendo et corrigendo, morbos permultos obstinatos et graviores sanare possumus, dum interea medicamina, Nervosa dicta, in auxilium advocata, frustra tentata fuerunt; unde potestatis ejusdem notitiam penitiorum ad medicum sagacem constituendum pertinere satis constat. Medici profecto supra relata satis praecavisse videntur; et tractatus de ea re complures et amplissimi, praecipue apud Lewenhoekium, Herveium, Boerhaavium, Hallerum,

* Dissert. lxxi. de calido innato.

rum, Senacum, caeterosque adeo omnes, in lucem promulgati fuerunt; quorum omnium experimentorum eventus verbis paucissimis in calculum reduci potest, et eorum diligentiam ac eruditionem ostentare, quam in sanguinis usus et facultates aliquod luminis effundere magis inservit. Namque, disquisitionibus multifariis et applicationibus medicorum assiduis per tot secula non obstantibus, ex eorum scripturis nihilominus satis patuit, ad tempora etiam recentiora Boerhaaviana, de sanguinis indole pauxillulum omnino notum fuisse. A documentorum vero catervis, in sanguinem pertentandum diversimode constructis, virium conjecturalium concatenatio vix inferior medicinae praxin sub aevo unoquoque plurimum afficiens in eo sublatere proponitur. Quin etiam compertum habetur, auctorum practitorum quamplurimos atque praestantissimos, indicationes curatorias in qualitates sanguinis aliquas específicas et supposititias subigendas, velut in acrimoniam, acidam sive alcalinam, viscositatem, lentorem, tenuitatem morbidam, et hujusmodi vocabulis innumeris effatas, proposuisse, quae sensibus obviam sese nunquam patefecerunt, et fortasse nusquam extiterunt nisi in imaginibus theoria captorum elusoriis, qui carmine fallaci talia decantant.

THEORIA quae de sanguinis natura prior invaluit, ex observatis LEWENHOECKII microscopicis exortum deduxit, et ab auctoribus omnibus ubique fere terrarum diutius desponsata fuit; nunc vero temporis in universum adeo obsolevit, ut refutatione vix indigeat.

RATIONES

RATIONES aliae quae ad sanguinis indolem investigandam vulgo usurpatae sunt, ecce! sese offerunt; nempe, vel ex miscela rerum variis dotibus pollentium, vel per analysin chymicam, vel eum denique in separationem spontaneam quam citissime subibit, derelinquendo, dum in vasculo sub aere probe temperato suspenditur.

Si sanguinis naturam indolemque cum corporum diversorum mixtura simul conjunctam investigare, et exinde medicaminum in eum operationem a priori accurate determinare conaremur, consilium tamen hocce ratum certumque nequaquam inveniretur. Omnibus enim satis aperte patebit, sanguinem, auris aetheriis expositum, non solummodo massae suae portiunculam amittere, verum etiam facultates novas, quibus in vasis sanguiferis circumfluus nunquam fruebatur, acquirere; et siquidem effectus hariolaremur, qui corporum horum cum sanguine in vasis sanguiferis connubium subsequuntur, in propositum adhuc parum prodesset. Quoniam impossibile foret ea, nisi per organa digestoria et chylo-poetica, ubi commutationes mirificas necessario subeunt in sanguinis consortium introducere, de quibus, prout sub arcano latentibus, prorsus equidem ignoramus. Unde quicquid ad sanguinem afficiendum propinetur, sub alimenti formula, vel saltem portiunculis largiusculis diutius administratis, exhibebitur.

SANGUINIS analysi chymica, destillationis ope, plerumque tentatur. Processus hujuscemodi saepius iterati phaenomena propemodum affinia ostendunt; qualis lymphae aquosae copia larga, salis volatilis proportio minuscule, quantitas olei perexigua, et caput mortuum
igne

igne penitus exploratum, falis fixi pauxillum cedens. Productorum autem pluriformium proportionem variare, caloris discrimini, utensilium commutationi, aut innovationibus in experimento deducendo leviufculis, quam discrepantiæ cuilibet in partibus aggregati constituentibus, potius attribuendum. Interea tamen, ambigui nil restabit, quin sanguis ex hominibus qui morbis variis laborant, vel etiam sub ejusdem morbi stadiis diverfis elicitus ex decomposito conflato, experimento similiter concinnius instituto, varias productorum supra memorabilium copias affatim fuffecturus fit. Ita revera Brown Langrish*, sanguinem eorum qui febribus inflammatoriis laborarunt particulis falinis ac sulphureis, quam eorum qui valetudine prospera fruebantur, magis repletum, atque, pro morbi incremento et diuturnitate, substantiis ejusmodi magis refertum, observavit. Ideoque non ita difficile effiet qualitates ex origine praedominantes in morbis ac temperamentis varie constitutis enunciare; de multis equidem a priori conjecturam facere possumus: Cum vero haecce res ad curiositatem magis quam ad utilitatem spectat, prout consilio nostro minus commodum, perlubenter omittimus.

RATIO sanguinis explorandi minime fallax ex separatione ejusdem spontanea deducenda petatur. Namque sanguinis auris expositi portiuncula vaporibus amittitur; residuum vero in fluidum tenue discoloratius segregatum effunditur, quod quidem coagulum viscidum, subrubrum, juxta superficiem, vulgo suspendit; prius autem Serum, posterius vero Crassamentum, plerumque nuncupatur.

Sin

* Modern theory and practice of physic.

Sin vero crassamentum altius explorare velimus, idem omnem sanguinis partem rubram continere inveniemus, quae aquarum ablutione creberrima facile auferri possit, massam albidam fibrosam a tergo relinquentem, quae a medicis hodiernis pars lymphatica coagulabilis appellatur. Quinetiam, ex adverso, serum calori expositum ad gradum circiter thermometri Farenheiteani centesimum quinquagesimum in massam uniformem concrefcit, lymphae coagulabili persemillimam, nisi quod compressa vel confecta fluidum salinum aquosum adhuc exsudat. Unde liquet, sanguinem, praeter aëream, ex partibus ternis distinctis, ut supra commemoratis, nempe rubra, lymphatica, et salino-aquosa, conflatum esse. In demonstrationem vero hujusce doctrinae luculentam, consulatur Dissertatio inauguralis D. Butt, Edinburgi, anno 1760 in lucem edita.

RATIONES aliae complures ad sanguinis indolem indagandam in usum advocatae fuerunt; et eventus diversi, secundum earum processum, exierunt, qui quidem ratiociniis de substantiarum diversarum praesentia in sanguine sublatentium exortum suggererunt; quas, ante periclitationes hasce sedulo factas, extitisse probari non potuit.

UNDE conspiciatur eorum insipientia qui de mucibilisve in sanguine subsistentis hospitio altercationibus sese mutuis dilacerarunt.

COGNITIO de hacce re maxime necessaria sese offert, ea quae sanguificationis modum nexumque inter sanguinem, functionesque corporis reciprocum, secretionis opificium, ac denique rationem qua sanguis

in morborum medelam afficiatur optimam, rite com-
monſtrat. Sed diſquiſitiones iſtas utiliſſimas altius in-
veſtigare perlongum foret; et praeterea doctrinas hicc,
loci quaſdam generaliores de ſanguine in univerſum de-
ducere ſolummodo ſtatutum eſt.

C A P U T II.

De Effectibus ex Miſſione Sanguinis oriundis.

Ex ea miſſione ſanguinis copia per ſyſtema diſfuſa
minuitur; quod quidem ex miſſione ſanguinis immediate
ſequitur; atque omnibus adeo patet ut explicatione non
egeat. Hicce vero quaefſtio perquam ſubtilis exoritur,
de qua medici diutius accerrime diſceptarunt, nempe
an revera, necne, ſanguinis iſta copia diminuta in ſy-
ſtema univerſum ex aequo paſſim extendatur? Conjec-
turas varias, quae ſuper ea re per longiorem temporis
decurſum, invaluerunt, enumerare, et ſub trutinam ex-
pendere, praefertim quae derivationem ac revulſionem
ſpectant, indagationem parum utilem nimisque prolixam
hic loci pertractandam depoſtularet. Sententiam ideo
noſtram aliis dijudicandam quam breviffime proponemus;
quibus ad lubitum corollaria quaevis exinde deducere,
eamque, prout ipſis magis minusve probabilis arrideat,
deſponſare aut repudiare licebit.

PROUT axioma igitur proponetur, ſanguinis motum,
quamvis in omnes corporis alveos, per cordis vim impe-
tumque praecipue concitatum, ex tatione diametri vaſo-
rum,

rum, eorumque ad cor ipsum contiguitatis et potestatum reluctantium ac obstruentium, quibus forte occurrit, esse futurum. Constat autem, orificio vasis cujuscvis patefacto, sanguinem voluminis antecedentis cumulo non amplius impeditum per aperturam patulam affluenter ruiturum; unde velocitas ibidem non solummodo, sed etiam in vasis omnibus adjacentibus, pro vicini ratione aut communicationis gradu et consortio cum vase pertuso, permultum augebitur, ac proinde circumflui velocitas per orificium, renitentia sanguinis antecedentis sublata, non modo acceleratur, verum etiam ipsa vasa sanguifera contentorum evacuatione relaxantur. Unde canales omnes contigui communicantes aperturam versus sanguinis sui flumina proportionem adaucta profundent. Atque ita res sese continuo prorsus habebit, donec sanguinis aliquod residui juxta incisurae vicinium affatim superest. Quin et Hallerus observavit, in venae sectione, sanguinem etiam per venas, orificium versus, decursum retrogradum habere. Ex adverso, evacuationis effectus, pro partium a loco pertuso distantia, minus minusque persentietur; adeoque haud raro contingit, uti in sanguinis missione parciore, exantlationis effectus in partibus orificio solummodo vicinis, at non super universum systema diffusi, persentiantur; saltem eatenus, uti circuitus modulus in aliis locis quibuscvis, nisi juxta orificium, commutetur, ubi pro ratione resistentiae sublatae et relaxationis in vasa inductae, per evacuationem sanguinis in eis prius contenti, liberius peragetur. Evacuationem eam toti systemati non immediate communicari, propositio

tio videatur quae a permultis in ambiguum revocetur; quae quidem, si profusior esset, et quantitatem in vasis orificio connexis contentam superaret, effectus ob copiae sanguineae in cor versus redeuntis diminutionem ubique procul dubio cito persentiretur. Conspicuum vero, quod, pauculis unciiis tantummodo sublatis, vasa quae ob posituram viciniorem orificio maxime connexa prius exinanientur; adeo uti, ligatura instanter resoluta, et orificio compressione occluso, vascula per vim elasticam naturam sese contrahant, ac renitentia in cordis impetum eadem propemodum, atque ante evacuationem prior fuerat, adhuc futura erit. Nulla ergo causa adest cur credatur, innovationem notabilem, quod ad distributionem attineat, exorituram. Unde patet, effectum immediate subsequenter in partibus orificio magis vicinis depletionem esse localem. Si quis autem asseverationis huiusce veraciam in dubium revocaret, ad experimenta sese conferat, quodque in usu quotidiano accidat, sedulo observet. Missionis sanguineae localis successus in inflammationibus topicis discutiendis unicuique patet; dum interea sanguinis copia sextupla a parte corporis remotiore detracta nullos prorsus effectus probos ederet; cum alioquin, siquidem doctrinae revulsionis ac derivationis ullus locus esset, sanguinem ex partibus ab affecta maxime distantibus elicuisse melius responderet: Hoc vero, evidenter absurdum, experientiae repugnat. Caetera omnia sanguinis detracti effecta in humorum copia minuenda consistunt. Quorum primum tensionem adimendo et relaxando agit. Causa enim distendente, scilicet,

licet, sanguinis parte, subtracta, vasa relaxatum iri, manifestum est: Quod ad tensionem seu relaxationem at-
tineat, paulo plenius de ea differendum est. Vasa sangui-
guifera semper plena esse, semper aliquantum distendi,
scilicet, paulo magis quam naturaliter forent, si prorsus
essent inania, inter omnes convenit; hoc est quod Tensi-
onem dicimus. Ex qua pendet primum et manifesto
plenus totius corporis habitus, eadem vasorum sangui-
ferorum tensio tonicae cordis et arteriarum potestati ne-
cessaria est. Eadem actionem muscutorum, cerebri vim,
et omnes vitae facultates, sustentat. Cum igitur haec
omnia ex vasorum tensione praecipue pendeant, sequitur
sanguinis detractionem omnia haec imminuere. Ex
eisdem disci potest, quam mire corporum nostrorum
partes omnes inter se ita librentur; ad quod libra-
men mutandum nihil efficacius est quam imminuta
vasorum sanguiferorum tensio, scilicet, sanguinis detrac-
tio. Quo fit, ut, si quae corpora exquisita ita librentur,
majora et mira magis, quam facile credas, effecta a
sanguinis missione oriantur. Unde aliorum animas de-
ficere, alios stupefactos erigi, alios sedato dolore suble-
vari, alios in convulsiones conjici, protinus, sanguine
misso, videbis. Effectus alius ex ea missione notabilis in
sanguinis circumeuntis impetum ac velocitatem super-
inducitur. Hic vero, secundum praeviam vasorum ple-
nitudinem, gradu majorem minoremve diversus admo-
dum offendetur. Circuitus, impetu diminuendo, neces-
sario agat, ubique oportebit; sicut ab experimentis apud
Hales * institutis liquido patet, qui, tubo pellucido in
vasculum

* Statical essays, edit. 2. exper. 1. 2. 3.

vasculum sanguiferum recens apertum inserto, rivulum ab orificio prius impetu satis conspicuo ruentem observavit, in tubulo sublimius expulsum; paulatim vero, prout evacuatio processerat, humiliorem ac lentiolem, donec impetu tandem adeo debili propulsus fuit, uti vix ac ne vix eminus ejaculatus ascenderet. Quod ad sanguinis circumfluentis velocitatem aut rapiditatem attineat, ea vero augmentum temporaneum plerumque patietur, praesertim in temperamentis plethoricis, ubi sanguinis motus, ob volumen nimium per vasa circumferendum, opprimitur. In omnibus hujusmodi casibus, sanguine misso, arteriarum lusus uberior concelebratur, et pulsus ictibus crebrioribus augetur; sanguis enim, aulam capacioreni nactus qua spatietur, antrorsum per vasa contractilia facilius impellitur. Quin, ex adverso, in temperamentis corporeis laxioribus, ubi sanguis parcior, et arteriarum pulsus imbecillior, lentior, tenuiorque, si copia quaevis exinde detrahatur, circuitio consueta flaccescit, pulsusque ex eo magis debilis ac tenuis evadit, et corpus univcrsum, dum vasa jam nimis relaxata vires suas in volumen sanguineum exile fluxumque exercere nequeunt, jacturam persentiscit. Sanguine diminuto, calor animalis ex eo nec minus immediate diminuitur; namque, circuitionis momento multum imminuto, sanguinis vasorumque circumferentium motus attritusque in sese invicem reciprocos necessario diminuetur, ac proinde caloris gradus minutior plerumque evadet. Sanguinis motum caloris animalis unicam esse causam, affirmare vix ausim. Unusquisque tamen confiteatur

confiteatur oportebit, calorem corporeum cum motu circumfluo adeo esse connexum, uti unius mox etiam alterius incrementum ubique comitetur. Hoc quidem in febribus ardentibus luculentissime patet, ubi sanguinis circumfluentis impetus et calor animalis in tantum augetur. Sed momento sanguinis detractiōe tandem imminuto, calor in gradus aliquot immediate mitescit; quod quidem, thermometro in hujusmodi febribus adhibito, verum esse saepissime notavi. Tales effectus ex sanguinis missione manifestius sese produnt. Sin vero sanguinis missio profusius exerceatur aut crebrius iteretur, innovationes aliae subinde complures superinducuntur, et singulae systematis corporei partes ex ea permultum afficiuntur. Commutatio notabilis in ipso sanguine parte sui defraudato necessario subsequetur. Hoc quidem experientia constat, et a priori dignosci potuit; namque liquet eum portiuncula partium magis elaborata subinde necessario destitutum esse, quae, praesertim systemate relaxato ex eoque ad sanguinem procreandum magis inepto, cito restitui nequit. Namque satis aperte constat, aquosum sanguinis statum cum firmorum statu relaxato, et vice versa, semper conjunctum esse. Sin hoc non concedatur, ad experimenta, prout in talibus casibus ubique maluerim, confugiendum.

Porro, in casu praesenti, satis conspicuum, sanguinis missione saepius iterata, quo diutius saepiusque detrahatur, eo serum largius et crassamentum tenerius esse futurum. Unde morborum cohors formidabilis ex sanguinis missione nimis crebra, qualis imbecillitas, animus prostratus,

prostratus, leucophlegmasia, hydrops, &c. terris incubuit. Sanguinem ex missione talibus modis assidue necessario commutari, nemo affirmare voluit. Complures enim sanguinis jacturam adeo facile perferunt, ut nullum prorsus incommodum ex ea sustineant; et in temperamentis corporeis quibusdam, ubi sanguinis copia vicibus institutis et quantitibus minusculis exantlatur, sanguificationis vires adeo non infringuntur, ut, e contra, in majus corroborentur, ac proinde status corporis sanguineus ex eo concitetur. Tales quidem in haemorrhagias phthisique pulmonalem magis delabuntur. Humores corporis omnes, quippe qui sanguinis scaturigine profluunt, necessario afficiuntur. Hoc forsan indagatori in rerum superficie leviuscule volitanti, primo intuitu, satis apertum habeatur. Cum vero nobiscum reputamus, organa ipsa segregatoria liquorum suorum modificationem instituere, quatenus tandem sanguinis immutationibus afficiantur, dixisse perarduum esset. Cumque hoc ratum certumque haberi nequit, dum in tot tantisque de humorum secretionibus tenebris versamur, prout rem in ambiguis involutam, et arcanis occultam, in medio relinquemus. Hoc, utcunque satis patet, dum sanguis copia nimis profusa disperditur, quod secretionibus, atque adeo functionibus omnes, necessario flaccescunt, systema nervosum praecipue vacillat, et vigore suo defraudatur; ex quo totum corpus munere suo minus prompte diffunditur, affectus animi debiliores obtunduntur, et facultates intellectuales in universum infirmantur. Qua de causa effectus in corpore humano ex sanguinis missione subortos determinare

minare prorsus impossibile foret, quippe quod prout machinam hydraulicam longe dissimilem, sed principio vivo sentiente animatum, naturae legibus haud obnoxium, contuemur. Circa automaton ideo tam complexum summa cura cavere decet, quibusnam tandem rationibus, missione sanguinis audacter adhibita, functiones ejusdem quasvis praecipuas ausu temerario conturbemus. Experientia profecto quotidiana docemur, sanguinis missionem largiorem et assiduam aliquando parum prorsus obfuisse; ex eadem autem experientia didicimus complures hujusce fluidi jactura vix notabili, per totum vitae decursum, molliores, delicatiores, morbisque nervosis opportuniore, evasisse. Constat equidem, in quibusdam syncrasiam esse peculiarem, quae sanguinis damnum pessime, in aliis vero quae satis bene, sustineat, obtinere; et non raro accidit ut inter homines, prout oculo videretur, ad unguem perfimiles, quosdam bene, quosdam vero male, sanguinis jacturam perpeffuros inveniamus. In hoc consilium accommode Forrestus de duobus fratribus, prout videretur, ex aequo robustis, mentionem facit, quorum alter sanguinis effusi dispendium ad libras duas, quam alter ad uncias totidem, minore incommodo sustinuit: Hinc investigatio perutilis, quodnam tandem temperamenti sanguinis missionem pejus meliusve perpeffuri sit criterion haud indubitatum, sese profert. Hoc vero nimis explorare nequimus; quoniam subsidium magis praesentaneum in toto medicinae decursu, quam deluvium sanguinis opportune missum, in morbos curandos, nusquam terrarum re-

perietur. Nec aliis quidem medelis etiam simplicibus affimilatur; quoniam ejus usus, siquidem nil prodesse, pro certo tamen multum obesse, valebit. Quocirca medicum unumquemque cavere decet, ne lanceola sua temere utatur; ex cujus occupatione nimis crebra, temperamentis corporeis, alioquin fatis fanis, imperiti vires multoties infregerunt, et compluribus malis chronicis magis inveteratis et aliis desperabundis itinera constraverunt.

C A P U T III.

*De Indicationibus illis quæ Sanguinis Missionem de-
postulant.*

SANGUINIS detracti effectibus communioribus cognitis, qui status, quaeve conditiones corporis, id remedium requirant, clarius patebit. Itaque, cum detrahendi sanguinis copia firmorumque tensio promptissime immittuntur, in omnibus a pleno habitu pendentibus morbis, quanto ex usu sit sanguinem detrahere, manifestum est. Pleni habitus triplex status est. Nam sanguis abundare et rarefieri, et vasa constringi possunt. E morbis autem qui ex his habitibus pendent longe frequentissimi ii sunt quos abundantia gignit; dubium enim non est, quin habitus inflammatorius, qui tot morborum origo est, praecipue ad abundantiam sanguinis referendus sit. Quorum morborum in numero sunt omnes fere phlegmasiae, juveniles plerique morbi, septentrionalium-
que

que pars quoque maxima. Adversus hosce omnes sanguinis detractioⁿis usus, dubio longe relegato, in auxilium advocandus est. Proxima frequentiae morborum causa est firmorum constrictio, quae plerumque ab humorum abundantia separari non potest; idque in morbis modo enumeratis plerumque simul obtinet. Ab hac quoque causa, five sola five una cum altera agat, cum sanguinis circuitus impediatur, adversus id impedimentum sanguinis missio praesens est auxilium. Cujus igitur usus, quot in morbis, quamque late pateat, quis non videat? Nam, praeter morbos supra re-
latos, universa fere febrium classis ab alterutra hac causa, aut utraque simul pendens, curationem a sanguinis detractioⁿe nonnulla requirit. Id praeterea, quoties tensio firmorum justo major subest, quaecunque eam causae fecerint, et praeter abundantiam aliae faciunt, saepe sanguinis detracti opus est auxilio; id quod variorum impedimentorum, five sanguinis motui officiunt, five tensionem nimiam exsuscitant, ut calculi ubivis corporis et universae spasmodum classis curatio ostendit, contra quos omnes et similes alios morbos potens et perpetuum remedium sanguinis detractio evadit. Quod ad tertiam causam pleni habitus, scilicet sanguinis rarefactionem, attinet, licet multa de ea locuti sint, multa scripserint medici, multosque ei morbos tribuerint; ea attamen tam raro incidit, ut ejus causa venaesectio vix unquam, me judice, necessaria deveniat, nisi forsitan apud illos qui e regionibus frigidis in calidiores commigrarunt.

QUARTA causa morbosa est, adversus quam sanguinis missio auxilium fert, scilicet, nimia sanguinis ex irritatione, aut quavis alia causa praeter dictas, suborta velocitas. Cujus rei exemplum praebet naturalis omnibus febribus irritatio, quae a causis modo enumeratis minime pendet.

IN hisce quatuor casibus tam causam morbi quam curationem, scilicet sanguinis missionem, haud ambigue pulsus indicat. Superest tamen quintus eo magis memorandus, quod imperitior medicus, ex pulsu judicium trahens, a sanguinis detractione efficace, licet unico fere, si non remedio, saltem levamine, deterreretur. Ergo magna omnia eunti sanguini impedimenta objecta, quorum effectus ad nullam priorum causarum referendus est, morbosum statum suscitant, nostri remedii egentem. Hujus rei exemplum luculentum est sanguis per pulmones aut cor retardatus; quod fit ubi polypi aut aneurysmata sita circa cor sunt, aut spasmus, qualis in asthma, quod ideo spasmodicum dicitur, incidere solet, pulmones constringit; cujus rei effectus est, ut sanguis, per venas tardiuscule transiens, in eis accumuletur; adversus quod nihil sanguinis detractione praesentius est; quippe quae solum remedium aut certe levamen esse debeat. Atque hi omnes casus sunt, qui, ut opinor, sanguinis detractionem postulent.

CAPUT IV.

De Indicationibus quibus Sanguinis Emissio prohibeatur.

IMO, VITETUR in omni corporis exinaniti habitu, ob causam adeo manifestam, ut ad eam explicandam verbis minime opus sit. Itaque in omnibus haemorrhagiis majoribus, postve eas, post inediam, aut nimias quolibet excretiones, aut quolibet morbos sanguine corpus exhaurientes, ab ea sedulo caveatur.

VITETUR quoque in omni laxo corporis habitu, ut in dyspepsia, cachexia, chlorotide. Postremo, vitetur, ne certo sit exitio, in omni totius corporis debilitate, siue septica quarundam febrium natura, siue longior quarumvis cursus, seu quaelibet alia causa robur nervosum frangens, eam fecerit; unde in omni typho et omni febre circa finem, similibusque in debilitate positis malis, scalpello abstinendum est. Quod praeceptum adeo perpetuum est, ut nihil ab eo, nisi siquando pars aliqua ruenti sanguine forte oneretur, quod detractioe quidem, sed ex parte tantum sublevandum, sit excipiendum.

CAPUT V.

De Cautelis in Sanguine mittendo necessariis.

PRAECEPTA quae in priori capite tradidimus in omnibus morbis memoratis, quae typum proprium induunt, veramque sic naturam clarioribus signis ostendunt,
 satis

fatis manifesta sunt, et, si ullum praeceptum perpetuum medicina haberet, perpetua fere forent. Verum, cum natura raro purum ullum morbum, raro non alienis signis permixtum, edat; et ob multos casus, sive sub eodem effectu morborum confusionem, sive tempora, loca, res externas, hominum naturas, habitus, aetates, sexus, et multas proprietates, quae aliae in aliis hominibus sunt; sive denique variam sanguinis detracti speciem spectes; eandem morbi faciem infinite variam reddet. Praeter ea quae facienda et vitanda superius diximus, multa insuper observanda, multa cavenda, de hujus remedii administratione supersunt. Ut enim in omni rerum naturae ratione perpetuo statuere temerarium esset, ita in medicina periculosum. Adeo enim doctrina, utut rationalis simul et sanis experimentis firmata, quibus pueri in scholis sub optimis magistris imbuimur, adeo posterus medendi usus et optimorum auctorum lectio assidua ea scientia medicum non instruunt, ut omnia definire, omnia verbis concipere possit, et quod sit in unoquoque casu, qui medenti se offerre possit, ad unguem et certo consilio faciendum alios docere, ut e contrario his omnibus auxiliis destitutus, et per similitudinem morborum ancipitem ductus, quasi in vasta solitudine aut viis nullis, aut harum confusis et obscuris vestigiis, qua potissimum progrediatur incertus, animo tantum vixque saepe concipiat, desperata et quasi deplorata ratione, morborum multorum naturam et curationem, nedum aliis quare hoc aut illud faciat explicare et illustrare queat, qui animi sic incertus, tamen re felix, impetus

impetus sagacitas vulgo audit. Per quam, post omnem rationis et experimentorum opem, experiendum est medico multa, et ex certioribus de minus certis judicandum. Perinde ut in hac re, ex supra igitur propositis rebus, quid observandum, quid cavendum sit in morborum varietate, paucis dicere conabimur, ad reliquas ordine transaturi. Itaque, si cuius morbi natura obscurior est, et parum medico innotuit, per clarioris alius notitiam iudicium dirigendum est, et similis simili morbo, quod analogia dicitur, persequendus. Idque de sanguinis detrahendi usu in multis febrium morborumque formis, diversisque eorum temporibus, observandum est. Primum igitur sunt quaedam corporis partes unde in quolibet fere morbo sanguis haud male detrahitur, ut pulmones, quia, quoniam totius sanguinis iter sunt, plerique morbi illuc insidentes ii sunt qui motui ejus officiant; unde a sanguine detracto levamen. Quodad tempora morborum attinet, quidam sunt quorum toto cursu sanguinis plus minusve detrahendum est. Cujusmodi sunt nonnullae phlegmasiarum, ut phthisis pulmonalis, rheumatismus, itidemque morbilli, et ubi causa inflammationem continens sita in corpore eam usque fervet, quod semper fere fit in cranio fracto aut contuso, ubi sanguis effusus, osve aut instrumenti pars relicta, stimulum illum praebebat, qua in re copiosissimam saepe detractionem maximo levamini esse vidi. In aliis incipientibus maxima detractio fieri debet, ut pleuritide, peripneumonia, gastritide, et in omnibus ubi inflammatio cito ad resolutionem tendit; eoque magis si morbus

organis

organis vitæ necessariis infidet. Item morbi sunt quorum nonnullis temporibus scalpello abstinendum, nempe sub frigore intermittentium, sub profluviiis criticis, sub coepta suppuratione, et plerorumque circa finem morborum; postremo, notetur in quolibet morbo ubi signa usum ejus deposcentia saeviunt, scalpellum quovis tempore non esse extimescendum.

PROXIMA ratio aetatis habenda est. Tenera aetate pueri minus sanguinis detractionem ferent; illis enim sanguis minus abundat, et si quid humorum aliquando redundet, id plerumque ferofum est, et igitur diversa remedia, scilicet supra et infra purgantia et vesicatoria, potissimum requirit. Praeterea, hoc tempore sanguis, qui corpori alendo necessario inserviat, incautius minime exantlandus est; ferum, quod et magis abundare res et magna glandularum prae reliquis vasis ratio ostendunt, liberius auferendum. Neque tamen non haec aetas morbis implicatur sanguinis missionem postulantibus, ut convulsionibus ex dentitione, tussi convulsivae, et morbillis; quibus in malis eos aequè ac adultos commode ferre sanguinis jacturam, Sydenhamio auctore *, discimus; eandem senectus parum perfert, qua aetate, vi cerebri imminuta, ad sanguinem faciendum corpus minus valet. Neque tamen senes morborum sanguinem missum requirentium expertes sunt, cujusmodi sunt tussis, pectoris dolores, affectus febriles, et similia; sed in his quoque, si colore rubicundo sunt, si magnas venas habent, si sese

* Cap. de morbillis, anno 1670.,

exercere confueverunt, cibumque et bene desiderant, et bene digerunt, sanguinem pro symptomatum vehementia liberius effundendum, nihil vetat. Quod eis utilissimum ad vitae longinquitatem conferre, Hoffmannus existimavit; cavendum etiam, ne quos durities pulsus senilis decipiat, quippe quae naturalis eis pro signo morbi habenda non sit, neque hac aetate ad scalpellum, nisi necessitas summa cogat, confugiendum. Hoc remedium media aetas, a decimo quarto anno ad quadragimum; optime perfert. Nihilo tamen secius, si morbi natura postulat, neque alius medicamenti adhibendi facultas datur, quovis vitae tempore sanguis recte mittitur.

Quod ad sexum attinet, viri quam mulieres plerique, sed non omnes, sanguinis missionem facilius ferunt; nam, e contrario, multae mulieres facilius quam viri sanguinem perdunt, eae praecipue quae habitum haemorrhagicum, ideoque et inflammationis, habent. Semper vero in memoria tenendum est, habitus corporei delicatioris, vitae magis desidiosae, menstruum, graviditatis, lactationisque, rationem summam semper habendam. Denique, mensium profluviis jamjam erupturis, sanguinis missione nihil periculosius esse potest. Hujusce praxeos funestae et perniciosae exempla quaedam deploranda non raro vidi. Nonnunquam tamen menstruum sistendorum metu omisso in febribus vehementibus, morbisque cum inflammatione acutis, utendum est scalpello, omnesque aliae res, dummodo robur ferat, et signa postulent, post habendae; sed haecce res,

cum praecepta de ea tradere difficilius sit, medentis prudentiae relinquenda est.

UT ad corporum naturas, quae temperamenta dicuntur, transeam, eae in quatuor vulgo, sanguineam, biliosam, pituitosam, et atrabiliariam, a medicis dividuntur; quibus longe plures nonnulli constituunt, ex duarum vel plurium harum conjunctione, novas componentes; quae tota ratio mihi obscura et anceps videtur; neque per vocabulum *natura* intelligo, quam habitum aut evidentem corporis speciem; itaque robustus et plenus habitus in eo qui bene valet sanguinis detractionem facile, contra, imbecillus, inanis, et valetudinarius, difficile, ferre solet; facile etiam solida firma et tensa, difficile flaccida et resoluta; facilius tenuis et biliosus habitus qui dicitur, quam crassus, obesus, et pituitosus, eam tolerant: Et, ut ante diximus, quo magis habitus inflammationis notae vigent, eo fortius hoc remedium sustentabitur; eoque minus quo habitus morbis nervosis, septicis, aut cachecticis opportunior est. Item, ne ad staturam quod attineat omittam, homo magnus sanguinis omnem jacturam parvo, si ceterae conditiones pares sunt, melius etiam sustinet. Neque vitae prioris consuetudo non quoque spectanda est, omniaque ad eam pertinentia consideranda. Itaque, si similis morbus quo aliquis ante laboraverit, sanguinis missioni cesserit, eo meliore spe ad idem rursus remedium decurretur. Quin et tanta consuetudinis venam secandi vis est, ut qui ei multum assueverint, eandem plerumque servare, etiam valetudinis tuendae gratia, coguntur; tales ego anomalis et nervosis, ut videbantur, morbis laborantes,

rantes, paululo sanguinis detracto, omni alia re sublevari magis vidi. Postremo, omnis habitus exercitatione densatus, quam quiete resolutus, facilius sanguinis imminutionem patitur. Ergo copiosae sanguinis, quibus viri celeberrimi Pringelius et Monroius in robustis et militariis habitibus usi sunt, detractiones, in privatis curationibus non temere usurpandae sunt.

PULSUS, de quo proxime dicendum est, magnum medico auxilium expediatne sanguinem detrahere, annon, et quando expediat judicanti, plerumque adfert; quippe qui cordis potestatis, vitae modi, sanguinis incitationis, pleni habitus, index fere fidus est; id quod quatuor prima medendi consilia luculenter ostendunt. Tamen, ut quintum docet, et multis aliis morbis, cernitur; non ita ei credendum est; unde eum rem fallacissimam Celsus * adpellavit. Multa discrimina adhibuerunt, multa nomina invenerunt, quibus pulsus distingueretur. Quorum multa adeo ambigua sunt, adeo inter se complicata confunduntur, ut medicis diversis eandem ideam cuique vocabulo, quod in hanc rem in usum revocatum est, affigere prorsus impossibile fuerit. Quin et nihil consuetius quam duos medicos eundem pulsum simul expiorantes notas ei diversas tribuere; ob quam causam, manifestum maxime quemque pulsus habitum considerasse, fatis habeo.

PULSUS magnus, frequens, et durus, eum corporis habitum submonstrat qui sanguinis detractionem facillime tolerat. Harum notarum prima plenum habitum,
altera

* Lib. iii, cap. vi.

altera sanguinem citatum, tertia vasorum tensionem, indicat. Verum morbi non defunt, etiam incisa vena curandi, qui pulsum exhibent haec nullo modo indicantem. Nam in eis phlegmasiis, quae partes parenchymatosas obsident, pulsus, ut plenus, ita plerumque mollis est, ut in peripneumonia videre est. Contra in phlegmasiis membranarum idem durus et adstrictus plerumque reperitur; quibus in rebus non ex pulsu judicandum est, sed natura morbi signa et sedes perpendenda; atque ita an sanguinem detrahare conveniat, et quantum detrahi oporteat, aestimatio habenda. Praecipua res quae medicos in pulsu fallit, ejus frequentia est, cui, ut rei incertissimae, non temere credendum est; quippe qui vel minimo praeter solitum calore, motu, omnibusque tam corporis quam mentis irritamentis, variari plurimum soleat. Ob quam causam medicum pulsum prehendere primo protinus adventu Celsus vetat, sed hilari vultu paulisper confidere, deinde carpo manum applicare. Item cui pulsus sani ignotus est, is de eo morbofo haud facile judicabit; siquidem ejusdem aetatis homines varios frequentia pulsus habere solent; ad quam rem confirmandam, et extremam pulsus frequentiam et tarditatem ostendendam, quod in duobus juvenibus ipse vidi exponam. Alter erat miles, cujus pulsus raro quadraginta et sex numerum superavit; alter medicinae in hac Academia studiosus, cui eodem temporis, scilicet, minuti spatio, circiter nonaginta numerabantur. Unde, cui ea res ignota esset, quam propus in errorem perniciosum tales febricitantes perperam curans futurus esset, satis manifestum

festum est. Est igitur fallacissima res pulsuum frequentia; hoc etenim assidue observandum est, omnibus fere hecticis labive pulmonum implicitis, item mobilem et irritabilem corporis habitum habentibus pulsus natura esse citos. Itaque mulieres quam viri, pueri quam adulti, hi quam senes, postremo, graciles quam crassi, citatiores pulsus habent. Porro, medicos decipere periclitatur praecipue in temperamentis plethoricis, incipientibus febribus et aliis morbis acutis, pulsus perceptio, qui, ut saepe validus, ita tamen obscurus est, ut nihil indicet sanguinis detractio sublevandum; quod ubi fit, aliquanto sanguinis adempto, protinus affurgit pulsus, et vasa a distensione liberata nunc liberius demum vibrant, et sanguis satis multum percitatur; quae res non solum sanguinem recte detractum, sed recte quoque adhuc detrahendum, denunciat. E contrario, in aliis morbis pulsus, ut in gastritide et enteritide, parvus et vix solito celerior cernitur; qui tamen durus et contractus est, et adeo non sanguinis missione mutatus, fere est ut nullum inde indicium sit trahendum, quo duce rejecto, partis dignitas ususque vitae tam necessarius monet, ut accuratius dempto sanguine contra inflammationem mortem minitantem, et non facile ad resolutionem salutarem pervenientem, auxilium feratur. Signa igitur, quae hic sequenda, et ex quibus detractio sanguinis administranda est, sunt dolor pungens, et notae febriles, quae, ut majores ut minores fuerint, ita plus minusve sanguinis profundendum est.

IN hernia humorali quoque, qui morbus sanguinis missioni prope solum cedit, tamen raro pulsus afficitur. Non igitur in omnibus morbis sanguinis detractiōnem postulantibus dux pulsus sequendus est; qui tamen nunquam non diligenter observandus est; quippe cum pauci sane morbi sint, in quibus non aliquod doceat, in multis naturam eorum et præsentem et futuram illustrat. Præterea, perceptio pulsus duritiem aut mollitiem respiciens sæpe etiam medicos latet, qui proni fere sunt ad plenitudini et velocitati credendum, quibus se existimant ad sanguinis detractiōnis usum duci, ut debilitate et tarditate ejusdem contrariis, quas, ab altera parte, ab eodem remedio deterrire opinantur. Cum tamen durities et mollities pulsus ea signa sint, quae corporis habitum sanguinis detractiōnem bene aut secus ferentem denuncient. Utque prior firmum et densum sanguinem, tensionemque vasorum ejus detractiōnem facile tolerantem, ita demonstrat, ut nulla inde, quae scio, excipiantur, si unum illud excipias, quod senes pro duritie suorum pulsuum, ut supra memoratum est, non hoc remedium sustinent; ita mollis et facile compressus pulsus, firma resoluta, et aquosum sanguinis habitum, cui vena secta nocet, commonstrat. Cum haec ita se habeant, quo certius medicus ex pulsu judicium trahat, is non solum eum in utroque carpo explorare, sed etiam in diversis corporis partibus debet; eoque magis quod in nonnullis hominibus arteria carpalis altius sita parum percipiatur, et in morbis localibus idem juxta partes laborantes obscurus et oppressus invenitur; quod ita esse videtur, quia

quia sanguis eo ruens et congestus arterias immodice distendit; et Cleghorn in observationibus de morbis per populum Minorcentem grassantibus saepe se ait pulsum obscuriorem in latere affecto, ut in pleuritide, deprehendisse; quae res quam necessaria nostra haec observatio sit addocet.

NOVISSIME de pulsu dicendum est, cum protinus sentiendi organo pendeat, ideo cum in omnibus istius organi affectionibus, prout magis minusve genus nervosum sensibile sit, aut torpeat magis, citatiorem fore; ergo tardus, mollis, et plenus pulsus, qui toties in apoplexia, asphyxia, et aliis morbis comatosi obtinet, a sanguine detrahendo non deterrere debet. Contra, frequens et tensus in hysteria, et aliis morbis a magna corporis sensibilitate pendentibus, ad eundem detrahendum suadere.

QUAEDAM de anni tempore et coeli etiam observanda sunt. Sanguinis detractione et in admodum calidis et in frigidis admodum regionibus cautius utendum est. Quippe cum in illis corpus nimis laxetur, in his ne sanguinis velocitas et corporis calor minuantur periculum est. Idem de tempore anni, prout vel in calorem vel in frigus inclinatus est, dicendum videtur. Quae tamen praecepta in phlegmasiis et aliis morbis detractionem sanguinis evidenter postulantis a necessario eis hoc remedio neminem dissuadeant; cum Cleghornius eitam in Insula Minorca sanguinis detracti usum in his casibus utilem adeo repererit. Contra, nullus populus facilius Scotis sanguinis jacturam fert. Haec igitur observatio de frigore et calore tantummodo ad ea tempora et loca pertinet,

tinet, quando et ubi hae aeris proprietates immodicae sunt, quales sunt plagae circa zonas frigidas⁷ torridasve, aut sub eis sunt. Habitum tamen phlogisticum Hieme aut Vere saepissime incidere cum certum et exploratum sit; ideo eisdem temporibus morbi cum inflammatione praecipue dominantur. Contra, aestate maximeque Autumno, cum putridus habitus potissimum fiat, ita morbi ad putredinem vergentes praecipue incidunt; quam ob causam, Hieme et Vere quam Aestate et Autumno tutior sanguinis detractio erit.

DE tempore sanguinis missionis quaedam cautiones sunt, quem neque pleno neque jejuno ventriculo detrahi oportere nonnulli opinantur, hinc animum deficere, hinc coctioni noceri arbitantes. Quae utique cautio ad nihilum recidit; cum ita aegrotans aliquis, ut sanguinis detractioe opus ei sit, raro cibum quo repleatur nimis desiderat; et, si quando syncope ne accidat periculum est, habitus corporis recumbens, aut gratius aliquod stomachicum, aut frigus admotum, eam prohibebit: Nisi quod, quo purior sanguis detrahatur, neve simul chylus dematur, ex jejuno sanguinem mittere melius est. Interque detrahendum, ne effectus remedii corrumpatur, omnibus quae aut corpus aut animum irritent cum cura abstinendum est. Deme autem sanguinem quam maxime fluenti rivo, nisi a syncope forte metuatur; adversus quam uti aegrotum tueamur, non ab re erit pulsus subinde explorare, et ut se habeat saepius rogare, eo porro consilio si pulsus plenior sit, si symptomata remittunt, aut saltem non exasperantur, seque leviores
et

et meliusculum aegrotans sentit, inde sanguinis detracti-
 tionem profuturam judicandum est; quam et renovari,
 quoad tutum erit, licebit. Rursus, si moestior homo est,
 si pulsus debilior, mollior, minorque fit, item si calor et
 alia signa aequae premunt, a remedio protinus desisten-
 dum erit. Locare autem hominem in molli situ, et ido-
 neis stomachicis eum recreare, si cui in eo morbo qui
 sanguinis detractiōem requirat, supervacuum videatur;
 huic in rebus dubiis, et ubi jam franguntur vires, nemi-
 nem nimis cautum esse posse, respondeo.

E sanguinis denique specie trahere iudicium de morbi
 statu, ideoque de ejus detractiōe, et naturale est et aequae
 antiquum ut ipsum detrahendi opus. Nihil in hac re
 diligentius, quam sanguinis speciem, si forte ea ad prae-
 sagium futuri certius deduci possemus, consideravi; sed
 frustra fere, quippe qui in nullam notam certiore, qua
 medentis iudicium dirigatur, incidere potuerim. Idem
 Cleghorn, * de albida sanguinis crusta loquens, minime
 se eo ad eventus iudicium adjuvari profitetur; quin et
 sanguis per omnem speciem abit, pro vasis quo recipi-
 tur magnitudine et figura, pro ratione qua sanguis ex-
 it, pro aeris temperie cui eductus objicitur, et aliis
 multis casibus, variat: Albida crusta certissimum habitus
 inflammationis signum existimata est. Cui nonnulli
 adeo crediderunt, ut eam pro causa morbi habentes, fla-
 vedine apparente, mittendum sanguinem solummodo
 praeceperint; quo quid absurdius esse potest? Cum re-
 vera adeo fallax hoc signum, ob varietatem modo memo-
 ratam, ut ei non multum sit fidendum Eadem albida

F

crusta

* Observations on the epidemical diseases of Minorca, Chap. 6.

crusta in omnibus pulmonum vitiis, et in omni quidem partis alicujus inflammatione, praecipue ubi dolor acutus est, aut respiratio afficitur, reperitur. Eadem posterioribus pariter et incipientibus morborum temporibus communis, in rheumatismo autem, tabe pulmonali, et gravitate, etiam ad postremum permanet; denique, morbis qui nervosi esse creduntur, eisque itidem ad putredinem vergentibus, saepius commune est. Neque a secunda quoque valetudine aliena, idque nulla praeter solitum causa apparente.

POSTREMO, membrum unde detrahitur sanguis, brevi mora ante hujus detractionem, circumligatum eandem albedinis speciem exhibet. Multa ingeniosius quam verius de ejus causa a multis conjecta sunt; quae omnia, ut rem parum explicantia, praetereunda judico; nisi quod hoc certum est, esse statum sanguinis, qui, quacunque ratione detractio fiat, albedinem exhibeat; eumque statum cum eo corporis habitu, qui optime jacturam sanguinis perfert, semper fere conjungi. Verum enimvero sanguinis densitas et tenacitas, quam color quilibet, multo magis observanda sunt; quae nota, praesertim crusta de qua dictum est addita, inflammationem subesse, haud obscure denunciat, eique haud paulo tutius credendum erit. Quoties autem largius aut saepius sanguis adimendus, videbitur item in nonnullis longis morbis obscurioribus, ubi status humorum ignoratur. Utile interdum erit inspiciendi causa pauculas uncias detraxisse. Quae inspectio, licet, ut dictum est, saepe fallax de sanguinis statu et morbi natura, saepe aliqua ex parte conjecturam nostram juvabit.

juvabit. Contra, ubi sanguis detractus laxus et mollis est, ubi ater admodum coeruleum cruorem ad imum vas demittit, praesertim ubi minima putridae dissolutionis indicia subsunt: In omnibus his rebus, praesertim si et detractio morbus exasperatur, parcius et cautius ea erit utenda,

C A P U T VI.

De Rationibus diversis quibus Sanguis mittitur.

OPERATIONES varias ad sanguinis missionem exercitatas sigillatim describere supervacaneum esset. Hae facis unicuique patent, et a literarum rudioribus aequae ac peritissimis agilitate summa perfici possunt. Modos itaque diversos, quibus sanguis emittatur, in genere solummodo perpendemus, et cur alii prae aliis adhiberentur, argumenta proferemus.

SANGUINIS missio in universalem atque topicam vulgo divisa fuit; per priorem, sanguinis missio ex aliqua corporis parte indiscriminatim; per posteriorem, ejusdem abstractio a parte quavis prae aliis particulatim, subintelligitur. A Cl. Harveii aevo, qui sanguinis circuitum prior detexit, medicorum plerique existimarunt, in quacunque parte vas sanguineum aperiatur, effectus propemodum eisdem esse futuros; namque, inquiunt, effectus circuituonis ope per systema universum communiter diffundetur. Aliis vero placuit in morbis localibus ex locis corporis a morbidis maxime remotis sanguinem elicere, quo sanguis a partibus affectis revellatur; et proinde

inde in partes ab eis maxime distantes derivetur. Libræ complures de ea re conscripti fuerunt; et ratiocinatio mathematica multifaria in naturam derivationis ac revulsionis explicandam ingeniose decantata fuit: Quum vero auctores hujusmodi corpus humanum, prout machinam mere hydraulicam, respectu ad facultates animales chymicas aliasque quibus praeditum est omisso, solummodo consideraverint; quumque eorum doctrina et ejusdem conspectanea compertis experientia tam evidenter repugnet; ipsorum ideo placita, prout systemata fundamentis fallacibus innixa, ex jure repudiare licebit. Ex effectibus autem sanguinis mittendi rite pensitatis luculenter constabit, quanto propius ad locum affectum sanguinem eliciamus, tanto propius ad morbum subigendum accessuros. Quatenus hic usus obstructionem facilius resolvat, inflammationem discutiat, depletionem et relaxationem topicam conciliabit, et impetum auctum qui in inflammatione locali saepe dominatur diminuet. Hinc igitur usus sanguinis topice mittendi in omnibus phlegmasiae casibus deducere libet. Mirum profecto hujus usus veritatem et praestantiam apud medicos in dubium revocari; praesertim, cum consensus omnium unanimis, qui periculum fecerunt, per criterion potissimum ejusdem utilitatem adeo vindicaverit, et revera emolumenta quae missionem sanguinis topicam subsequuntur, dum in locum affectum nifus suos exercent, non solummodo patescunt, sed etiam per has rationes effectus perniciosos eludimus, quibus per missionem sanguinis universalem systema opportunum relinquimus. Namque inflamma-
tionem

tionem topicam per missionem generalem sic dictam resolvere, immensum sanguinis effluxum sublatum depostularet, qui corpus saepissime loco affecto nondum per tacto debilitaret, dum alioquin, si sanguis a vasis inflammationi contiguus auferatur, copia minutior in consilium inferviet, et morbo discutiendo, viribus aegrotantis haud exhaustis, sufficiet. Ita prorsus sanguis ad uncias quinque vel sex juxta externum oculi ophthalmia affecti canthum, quam ad libram unam alteramve a brachio detractus, in sanationem morbi saepissime plus contribuet. Porro, in affectibus rheumaticis, dolor, ubi loco cuilibet affixus haeret, per missionem sanguinis topicam statim saepissime fugatur, dum emolumenti parum a cumulo vicibus quaternis majore ex alia corporis parte detracto sperandum foret. Item, praeclarus vir, Adamus Austin, cum munus chirurgicum in castris exerceret, militum complures longis itineribus defatigatos crurum tumoribus tensis et inflammatis venisque varicosis in summa parte laboranti apparentibus, neque sanguinis detractone ex brachio, neque alvum purgantibus, neque aliis hujusmodi remediis, ullo modo levatos esse invenit; ob quam causam consilium turgidas venas aperiendi iniit, quo facto, protinus subsidere tumor coepit; quod experimentum et illis qui aliis antea remediis, et illis qui nullis usi fuerant, ex aequo profuit. Quin et per quatuor annos quibus in Nosocomio Regio fui, sanguinis ex parte detractorem usque adeo prodesse expertus sum, ut eam potissimum, praecipue in capitis dolore, ophthalmia, angina, pleuritide, omnibus pectoris morbis,

bis, et rheumatismo, adhibendam censeam. Quodque maxime hanc opinionem confirmat, ubi caput utrinque dolet, sanguis ex uno latere detractus saepe illud protinus levat, in altero dolore persistente donec ad id quoque remedium applicetur. Cujus rei in fidem Nosocomii Annales testor.

QUOD si qui dolores sunt qui inflammatione carere videntur, aut ubi hujus signa desunt, eis quoque sanguis ex parte dolente adempto prae reliquis rebus saepe remedio est; unde vir quidam celeberrimus, et in usu medicinae exercitatissimus, nullum se nosse dolorem qui cucurbitulis non cedat, nuper mihi asseveravit. Sed quid verbis opus est, ubi tot res, tot experimenta et testimonia luce clarius nostras sanguinis e parte mittendi laudes roborant? Qui vero antiquae revulsionis et derivationis opinioni obstinatis animis inhaerent, eis venam saphaenam adversus phrenitidem incidere, et pedibus hirudines, ophthalmiae amoliendae causa, imponere, cum magno malo mortalium, per nos pergere licebit. Verum, licet adversus partis inflammationem, unde sanguis detractus adeo valeat, tamen in pleno totius corporis habitu, ubi nulla pars prae ceteris afficitur, nihil refert unde sanguis, dummodo satis abunde et fluente quasi rivo, si nihil hoc vetet, detrahatur.

ATQUE haec de parte unde sanguis detrahendus est dicta sint: Nunc de ratione detrahendi pauca dicenda sunt. Alii enim arterias potius, alii venas incidendas, contendunt; aliis cucurbitulas concisa cute imponendas, aliis hirudines admovendas, videtur. Quae tamen
omnes

omnes rationes, cum suo tempore et loco utiles reperiuntur, aliae vero aliis certis in rebus recte anteponantur, nos pauca de delectu earum habendo subjiciemus, et a prima ratione exordiemur.

INCIDENDI arterias ratio, quantumvis a nonnullis laudata, ideo minus placet, quia et raro aditus ad eam esse potest, et supra reliquas rationes commodi nihil habet; etenim arteriae pleraeque adeo altae jacent, adeo vi cordis subjiciuntur, ut raro tuto incidi possint; si enim consideramus tantummodo ramulos nonnullos externae carotidis, qui in curatione morborum incisi sint, manifesto sequitur, tantummodo arteriotomiam capitis nonnullis morbis totam contineri: Adversus quos et aliae sanguinis mittendi rationes valere compertae sunt. Neque conjectura adductus id dico, quippe qui saepe arteriam temporalem incisam sine ullo praecipuo fructu viderim; praeterea minus mihi haec ratio placet, quia, praeterquam quod difficilis factus est, praeterquam quod saepe vas delendum est, semper sanguinis hac via jacturam minus facile tolerari animadverti; defectiones enim animi quae toties sub hoc opere incidunt, id sanguinis, quod satis ad propositum sit, detrahi plerumque prohibebunt. Ad hoc semper cum dolore, saepe periculum aegrotanti arteriotomia inferat, abstinendum ea ex toto judico. Periculum autem in hoc constat, quod diu saepe post opus factum arteria perrumpitur, quod suffusio erysipelatoza, abscessus, et ulcus sanatu difficile, saepe sequuntur. Cum igitur adeo arteriotomia incommoda sit, adeo periculosa, adeo medici propositum fallat, abstinendum ea, ut dixi, et venae potius incidenda;

dae; neque ullum tempus novi, quo prudentis medici sit prae vena incidere arteriam; nisi quod capitis malum erit, quod venae incisae, aut cucurbitularum et hirudinum usui forte restiterit; quod ubi sit, in re desperata ad arteriotomiam confugere nihil vetat. Ergo venarum incisionem ideo anteponemus, quod facilis factu, quod cum spe et sine periculo est, postremo, quod fere ubique in toto summo corpore, quaecumque pars sanguinis detractionem requirat, aditus ad venam in promptu est.

HIS de arteriarum et venarum incisione expositis, de reliquis duabus rationibus paucis quoque differendum est. Primumque hoc utrique commune, quod ubi magnum vas in promptu non est, ubique hirudines imponi, in plerisque locis cucurbitulae admoveri, possunt; quo fit, ut in nonnullis casibus hae duae posteriores prioribus rationibus jure anteponantur; deinde toties anteponendae, quoties partis alicujus tensio et plenitudo imminuenda sunt; quod multo cucurbitulis aut hirudinibus potentius efficitur, ut supra demonstratum est. Verum earum ipsarum delectus haberi debet; idque ob has causas manifestas, ubicumque cucurbitulae admoveri possunt, eae tensionem, ut mihi videtur, hirudinibus magis levant; praeterea in nostra potestate magis sunt, facilius administrantur, certioresque sumus de eo sanguinis quod velimus per eas detrahendo. Contra, hirudines saepe parari, saepius administrari, non possunt; saepe, aut quia veneni aliquid habent, aut, ob figuram morfus, suffusionem cum tumore et livore incommodam post sese relinquunt; saepe denique sanguis difficillime sisti potest; quas ob causas longe
mihi

mihi cucurbitulae hirudinibus, si unum illud excipias, quod ubique imponi nequeunt, praeferendae.

ATQUE hae omnes sanguinis detrahendi rationes sunt, nisi quod cum nullas earum adhibendi potestas sit, ut in tunica oculi albuginea, aut tonsillarum inflammatione, partem ipsam laborantem scalpello concidere interdum sit necesse.

C A P U T VII.

De Sanguinis detrahendi in Morbis quibusdam Usu et Abusu.

E morbis in quibus sanguinis detractio prodest aut obest, praecipua febris est, unde initium trahemus.

Sanguinis detractio in febribus non solum locum inter auxilia, sed praecipuum et primum, sibi vindicat. Eadem in certis febribus, et certis earum temporibus, perquam utilis, in aliis inutilis et mala, in multis perniciosa. De qua re praeccepta statuere imperitis artis difficile est, quin et peritissimi quam arduum sit fateantur necesse est. Nullus morbus febre magis debilitat, nullum remedium, ut supra diximus, magis sanguinis detractio corporis robur frangit. Cur igitur hoc adversus illam ut remedium opponatur in promptu causa est; alterum alteri contrarium est. In febre plenus habitus et auctus sanguinis impetus est; sanguinis detractio hos imminuit; in febre praeter naturam corpus calefcit; sanguis ademptus reliquum intus

G

tardando

tardando calorem ejus comitem moderatur. Vasa universa in febre distenduntur, hancce distentionem nostrum remedium, ut fufius fupradictum eft, tollit. Cum hæc ita fint, quid dubii de fanguinis detractiois utilitate refat? Ad quod illuftrandum, tenor et exitus febrium confiderandus eft.

OMNES febres perniciofæ funt, aut ftimulando, aut debilitando, aut putredinem inferendo. Primum genus inflammationem infert, fanguinem citat, calorem et tensionem vaforum creat. Secundum vim vitæ deprimit, fyftema nervofum debilitat, et omnes actiones fatigat. Tertium corpus putrefacit, quod ad eandem debilitatem ducit. Itaque fanguinis detractio, ut adverfus ftimulantem caufam, ideoque febres cum inflammatione, effectus optimos habebit; ita in fedante aut feptica caufa peffima reperitur. Ob quam caufam, in priori genere febrium eam pro remedio præcipimus, in pofterioribus rejicimus; quatenus hæc febres genuinae et purae funt. Verum, cum raro febres purae fint, cum pleraeque magis aut minus inter fe permifceantur; idcirco, hoc communi difcrimine pofito, quibus in febribus fanguis mittendus fit, quibus omittendus, deinceps verba faciam.

SANGUINIS detractio in omnibus febribus quibus plenitudinis fenfus, magna anxietas, acuti dolores five vagi five fixi, fubfunt; eoque magis fi durus et frequens pulfus cum magno dolore, fiti, et calore; fi ficca et arida cutis, fi urina parca et rubicunda, accedunt; quae omnia ftimulum magis quam fedantem aut fepticam vim dominari oftendunt.

SANGUINIS detractiōnem porro requirent omnes eae febres in quibus sanguis in partem aliquam prae caeteris ruit, in quibus impedimenta, in quibus inflammatio, subsunt. Itaque, quo quisque talium notarum certior sit, sanguinem ad caput ruere, hujus acutus dolor, delirium, arteriae temporum praeter solitum pulsantes, tunicae albugineae rubedo, demonstrant. Idem si ad pulmones nimio impetu ruit, spirandi difficultas, tussis, ingratum aeris desiderium, et vultus ruber, indicat; in quibus omnibus casibus, ut ante praemonitum, sanguinem quam proxime partem laborantem eliciendum esse, non est obliviscendum.

SANGUINIS detractiōnem omnis febris postulat, quam impedita perspiratio, frigus, exercitatio vehemens, aliae causae sanguinem citantes, fecerunt.

OMNES febres incipientes magis quam ullo alio tempore idem remedium postulant.

CONTRA, in febribus, sanguinis detractio omittenda est: Primum, ubi animi magnopere deprimuntur, vires supra modum debilitantur, debiliterque cum molitie arteriae micant, aut ubi putredinis notae in corpore apparent, aut in excretionibus cernuntur.

PARCENDUM scalpello est in omnibus febribus ad has notas gignendas proclivioribus, quales sunt epidemicae ab aeris inquinamento et contagione ortae, ut pestis, putrida febris, flava Indorum occidentalium, ardensque regionum calidiorum, quae raro liberiores scalpelli usum admittunt. Harum quidem in perniciosissima, scilicet, peste, Sydenhamus acrius et cum levamine et optimo fructu

fructu sanguinem detraxit. Excipiendum igitur hoc a praecepto meo, et si quid aliud in usu versatorum virorum experientia contra communiores medendi leges statuit; satis enim mihi est communia praecipere, comprehendere autem omnia et proprium quodque, alienum a meo proposito est.

UT in constantia signorum febrilium habitum phlogisticum adesse denunciatur, ita omnis febrilis remissio sanguinis detractionem respuit; unde in eis febribus, quae ex re remittentes aut intermittentes dicuntur, nisi quaedam signa urgere viderentur, sanguinis detractione semper vitanda, vel parcius usurpanda.

UBI febris jam in longinquitatem excucurrit, quia ea res tanto plus debilitatis subesse indicat, vix est sanguis detrahendus, nisi quod, adversus capitis dolores et similia quaedam, hirudines aliquando imponendae, aut cucurbitulae, concisa cute, admovendae.

POST omnia haec praecepta, ambigua saepe mala incident, morbi que adeo obscuri medentibus saepe occurrent, ut ex signis sanguis ne detrahendus sit, necne, judicari vix possit. Quod ubi sit, aetas, sexus, habitus, coelum, anni tempus, genus febrium quod per populum grassatur, et omnia sub capite cautionum, una cum signis praesentibus, perpendi debebunt. Quod si, quod nihilo fecius aliquando accidit, res obscura erit etiam peritissimo medico, solum superest aut paululum sanguinis semel mittatur, effectus observetur, atque inde mittendus an omittendus sanguis videatur, deque copia et ratione judicetur. Supra dictis, ni fallor, disci potest, medicos ple-

ros.

rosque sanguinem nimis saepe nimiumve vulgo detraxere. Neque unquam in saeculo defidia et luxu diffu-
 enti de remediis durioris et temperationis generis homi-
 num judicandum est. Itaque facile videre est, plus in
 omni morbo sanguinis sub duro et temperato vitae genere
 quam sub luxurioso et otioso detrahi oportere. Denique,
 cum omnis febris ad robur vitae frangendum vimque ner-
 vosam opprimendam sua natura ruat, ne sanguinis detrac-
 tio, et quotquot remedia ad debilitandum pertineant, im-
 modice urgeantur, haud parum periculi est. E. g. Nonne
 febris nervosa aut putrida ita saepe incipit, ut magna in-
 flammationis indicia prae sese ferat? ideoque sanguinis de-
 tractionem postulare videatur; quae tamen, vel paululo
 sanguinis adempto, protinus proprium typum induit, et
 omnia aut debilitatis aut putredinis signa exhibet, et peri-
 culosae medicum temeritatis arguit, et saepe feram morte
 poenitentiam relinquit?

In Exanthematis.

QUOD dictum est de sanguinis detractionis in feбри-
 bus usu, id de eodem in exanthematum curatione dicen-
 dum est, quae, dempta pustularum ratione, pro sympto-
 matum specie fere sunt tractandae. Commune tamen
 hoc eis est, quod sanguinis detractionem bene fere ferant;
 ideoque, si plura eam postulant, non est paucis vetantibus
 ab ea abstinendum. In morbillis eadem potentissima est,
 quodque proprium huic morbo esse videtur, etiam sub
 finem detractio sanguinis et facillime toleratur, et maximo
 ex usu est; siquidem tussi et inflammationi, morbillos
 nunquam

nunquam non comitanti aut subsequenti, prosperrime occurrit. Febris variolosa, postquam mos aegrotantes refrigerandi invaluit, adeo cohibetur, ut raro sanguine missio opus sit. Qui tamen saeviente febre, quovis morbi tempore, mittendus est, cujus remedii adversus duo tempora summus usus est: Primum, protinus ante eruptionem ad tensionem imminuendam et laborantem cordis vim relevandam, quae nimia saepe hoc tempore subsunt. Item, adversus febrim secundam in genere confluentium, aut ubi magna pustularum multitudo est, sub quibus, quo enixius febris accenditur, eo diligentius, ne magis resurgat, aut ut intra modum contineatur, elaborandum medico erit. Cujus efficiendi praecipuam facultatem sanguinis missio dabit.

In Phlegmasiis.

QUANTUMVIS de causa inflammationis pathologici inter sese dissenserint, omnibus convenit, sanguinis de tractionem optimum auxilium esse. Cujus actio eadem hic, quae in pleno habitu est; spasmus enim resolvit, nimiam arteriolarum actionem reprimit, et abstracta sanguinis parte ad impedimenta expedienda facit. Idem tamen remedium, neque omnibus phlegmasiis pariter, neque omni ejusdem tempori, indiscriminatim accommodatur. Estque ad propria quaedam observanda et distinguenda haud levi judicio opus. Nam, licet universa phlegmasiarum classis sanguinis missionem fere nullo discrimine requirat, tamen ea partibus maxime vitae necessariis, et quarum suppuratio aut gangraena manifeste perniciem inferunt, maxime necessaria; hujusmodi
sunt

sunt phrenitis, pleuritis, peripneumonia, gastritis, hepatitis, nephritis, hysteritis, et similes; ut medici uno animo in his morbis sanguinem mittendum idque jure consentiant. Tantummodo una aut altera observatione contentus ero. Primum igitur errorem nimis vulgarem esse dico, quod minus sanguinis, quam par est, vulgo detrahitur. Quod dictum, horum morborum exitus, curatio, historia, probant. Cumque omnis exitus harum inflammationum nisi per resolutionem exitio sit, laborare medicus inflammationem quamprimum resolvere debet. Ad quod efficiendum, sanguinis missio maxime est efficax, maximaque copia, dummodo certus morbi medicus sit, et praeterquam quod signa requirere videantur fieri oportebit. De qua re viros, qui hos morbos prosperrime tractarunt, testor, qui omnes sanguinis detractionem praecipue hic auxilio experti sunt. Reque vera raro in eis morbis nimium sanguinis detractum est; quoniam, qui ex eis convaluerunt, nulli fere nisi largissime sanguine missio reperiuntur, neque eis ipsis ad salutem recuperandam magna sanguinis profusio impediit. Contra, multos peremptos illo remedio servari potuisse verissimilimum.

ALTER medicorum error est, quod alieno tempore sanguinem mitti et serius fere jubent; ea enim est inflammationis natura, ut, quanto maturius detrahitur sanguis, tanto facilius solvatur. Initio igitur sanguis detrahendus est, et cum largissime simul et subito maxime fieri debeat, praesertim in inflammationibus gravioribus, quoties in nostra potestate est, duo vel plura vasa
finul

simul aperienda. Plus enim in omni re eandem copiam subito quam paulatim demere juvat. Ob quam causam, si aegrotantis anima deficiat, isque idoneam copiam detrahi parum sustineat, non, ut vulgo fere solet, in alium diem res procrastinanda, sed intra paucas horas renovanda, neque remissioni ulli pro tempore toties fallaci credendum est.

Hic quantum detrahi oporteat praeceptum dare difficile est. Ducendique sumus, ut saepe praemonitum, sede morbi, symptomatum gravitate, et robore aegrotantis; nisi quod hoc ponendum semper ante oculos sit, ut etiam plus sanguinis quam signa requirere videantur detrahatur. Ego sexaginta uncias et supra emissas intra viginti et quatuor horarum spatium cum manifesto levamine saepe vidi; adeoque omnes quibus interfui curationes utilitatem sanguinis quam largissime detracti in morbis de quibus agitur evincunt, ut etiam plus quam peritissimi magistri me docuerunt ex meae olim curae commissis detracturus recte videar; ac neque menstruorum aut lochiorum profluvia deterrire quenquam ab eodem consilio debent. Quin et, saevientibus signis, etiam post initia, etiam quovis tempore ita ut dico sanguis est profundendus; neque ii audiendi sunt, qui post quartum diem id fieri vetant, scilicet, tum suppurationem supervenisse opinantes; quod absurdum est.

NUNQUAM enim metuendum a suppuratione est, dum signa inflammationis gravia supersunt, quae, si multum levantur, si dolores minus acuti esse, et reliqua remittere coeperunt, tum epispastica, cathartica, re-

fri-

Frigerantia, sudorem moventia, detractioni sanguinis, maxime sub finem morbi, ubi omnis sanguinis jactura difficilius perfertur, interponantur. Contra, detractionem sanguinis continuandam, nova accessio, continuatus dolor acutus, magna pyrexia, et aliae inflammationis notae, denunciant.

SUPRA de larga sanguinis profusione dicta, ut ad morbos de quibus sub hoc capite egimus apprime pertinent, ita a phlegmone seu variis cutis inflammatiunculis aliena sunt, ubi neque fere opus est sanguinem profundi, neque, si plus justo detrahatur, a suppuratione impedienda multum metuendum est. De reliquis phlegmasiis nondum memoratis non multa dicenda sunt: In ophthalmia raro magno vase opus est aperto; plerumque enim cucurbitulae vel hirudines sanguine detracto votis satis respondent. Idem fere de cynanche dicendum est, ubi quicquid sanguinis detrahendum videtur, id ex parte, vix ex magno vase, vix ex brachio, nisi ubi habitus totius corporis plenus forte subest, detrahi debet.

QUOD ad carditidem, peritonitidem, splenitidem, et cystitidem attinet; ii morbi, si quando occurrunt, et certe raro occurrunt, rarius occurrentes rite distinguuntur, libera sanguinis detractione curandi videntur.

E phlegmasiis quae adhuc restant, in rheumatismo, quando phlegmasia est, id est quando pyrexiam habet, sanguinis detractione et ex magno vase ob habitum phlogisticum, et ex artubus dolentibus ad minuendum dolorem larga et pro occasione iterata opus est. Arthritis vix unquam sanguinis emissionem deponit, nisi in juvenibus habitu plethorico periclitantibus inflamma-

tio et dolor praeter solitum acutus, et alia febrilia symptomata graviora, adsint. Praeterea ad idem remedium quovis tempore confugiendum est, quo is morbus ventriculum, pulmones, aut cerebrum, videtur petivisse; quod, licet qua ratione agat ignoro, tamen non praetereundum putavi; quoniam certa experientia comprobavit.

In Profluviis Sanguineis.

Quod ad sanguinis profluvia praeter naturam attineat, ad ea cohibenda sanguinis missio, quamvis non unicum, tamen utilissimum est remedium. Eadem idoneo tempore adhibita prodest maxime, alieno obest. Prodest eo magis, quo rarius ad usum ejus decurrendum est; ideoque, adversus morbos ex subita sanguinis profluvii suppressione ortos, summa detractionis virtus consistit. Item, ubi nimium aliquid profluvium est, ad id sistendum proxime est efficax; contra, quo saepius ejus auxilio insistitur, eo minus fructus ab ea percipi solet; adeoque consuetudo ejus utendi non prodest, ut saepe etiam obstit, idque duabus praecipue rationibus, vel alendo plenum habitum, vel corpus debilitando. Quod remedium ad haemorrhagiam aliquam reducendam, quo propius ad ora vasorum unde sanguis suppressus profluere solebat, eo potentius erit; quove protinus magis circa solitum profluendi tempus adhibebitur, uti in morbis e menstruis aut haemorrhoidibus suppressis orientibus, hirudinum

num quam proxime vasa suppressa impositarum usus demonstrat.

In Profluviis Serosis.

INTER profluvia serosa maxime eminet catarrhus. Contra quem sanguinis detractio, omnium iudicio, plurimum valet; quae, qua ratione agat, haud obscurum est. Habitum phlogisticum imminuit, spasmum et secretionem mucosam auctam solvit, et sic tussim tollit, eo magis necessaria, quo efficacior est, non solum ad morbum praesentem demendum, sed hoc facto ad metuendo ejus exitui occurrendum. Quis enim, quocunque modo agit, potentissimam tabis pulmonalis causam catarrhum esse nesciat? Verum nostrum hoc remedium quantum quantum in aliis morbis quos memoravimus, praesens reperiatur, in tabe pulmonali, nisi initio, leviusculum aut nullum fit remedium; idque ob causam supra positam. Quicquid enim auxilii in sanguinis detractioe sit, id omne in raro et subito ejus usu contra instans malum consistit. Unde, in tabe quam levis spes salutis in sanguine misso posita sit, manifestum est; e contrario, licet primo quoque tempore detractus sanguis, impetum a pulmonibus avertendo, aut habitum inflammationis levando, profit; tamen consuetudo deinde saepius et paulatim sanguinis demendi, plenum habitum pascendo, et eo sanguinem unde averti debet percitando, plurimum semper, ut mihi videtur, obest.

Ex

Ex aliis morbis ferofis diarrhoea et dysenteria maxime conspicui funt, in quibus nulla fanguinis detractio-
nis forma adhibenda eft, nifi ubi figna inflammationis,
quales acuti dolores funt, aut pyrexia, aut pulfus celer
et durus, calor et fitis, fubefle cernuntur. De cujus
adminiftratione praecepta de inflammatione fupra tra-
dita confulantur.

In Morbis Nervofis.

MORBIS nervofis plerifque hoc commune eft, ut fan-
guinis jacturam male ferant. Eft tamen plerorumque
eorum ftatus, in quo fanguinis detractio, fi morbum non
radicitus tollit, tamen magno malo occurrit, et faepe
mortem ipfam arcet. Is ftatus eft accessio nonnullorum
eorum, uti comatofis apoplexiae, e fpafmodicis tetani,
epilepfiae, afthmatis, et hyfteriae, in quibus, praefertim
vero ubi convulfiones aliaque fymptomata graviora apud
plethoricos periculofe vigent, praefens fere levamen, nifi
ventum ad extremum fit, abtractus fanguis promittit;
vel faltem ad fymptomata moleftiora, quae aliter sub-
orirentur, praecavenda neceffarius evadit. Neque
de his morbis obfervationibus adjiciendum vide-
tur quicquam, praeterquam quod adeo corporis libra-
men ex aequo hinc inde vibrat, ut, paulo momento, huc
illuc vertatur, id eft, paululo fanguinis detracto, in rec-
tum aut fecus reftituatur. Unde, hisce in cafibus, ubi
corporis libramen adeo delicatulum eft, ut facile huc aut
illuc nimium vergat, fanguinem parvulis tantummodo
portiunculis emittendum efle, quam apertiffime conftat.

In Cachexia.

DENIQUE, a tota cachexiae classe, ab omnibus ejus quot quot sunt formis, toto coelo aliena est sanguinis detractio; praeterquam casibus in paucis, ubi cachexia febrisque inter sese mutuo commiscentur, aut tumores inflammatorii semetipsos comites adjungunt; et etiam hic loci ad copiam sanguinis emittendi definiendam prudentia non vulgari opus est.

Quod super hoc argumento proponere nobiscum decrevimus, jam ad finem perductum. Nihil igitur restat, nisi ut, pro erroribus compluribus, quibus opusculum hocce, procul dubio, foedatur, apologiam faciamus; sin vero per negotia minime omittenda spatium temporis illi diuturnius impendere, incudique rursus reddere, licuisset, haec forsitan non ita necessaria foret. Quaecumque tamen, haud ulterius perpolitum, in lucem edendum. Si Professores hujusce academiae celeberrimae eruditi aequi bonique consulent, si ad remedium potentissimum, de quo tractatur, minus perniciosum generique humano magis utile reddendum non nihil conferet, quodcumque in votis sit attigimus.

F I N I S.



